



UNIVERSITÄTS-  
BIBLIOTHEK  
PADERBORN

# **Facilis Et Succincta S.S. Canonum Doctrina**

**Pirhing, Ehrenreich**

**Dilingæ, 1690**

Titvlvs. XXXIV. De voto & voti redemptione.

---

[urn:nbn:de:hbz:466:1-61641](https://nbn-resolving.org/urn:nbn:de:hbz:466:1-61641)

## TITVLVS XXXIII.

## DE CONVERSIONE INFIDELIUM.

**A**gitur in hoc Titulo primò *in c. 1.* utrùm & quomodo matrimonium infidelis ad fidem conversi, cum fidei subsistat, si prius in infidelitate maritos fornicarum illarum, quas modò conversi ducere volunt, occiderunt; quæ questio, quia à notitia impedimenti criminis, ad Librum IV. Decretalium pertinentis, dependet, rectius ad eum Librum differtur.

Secundò agitur in hoc Titulo *in c. 2.* cui proles communis assignanda sit, si uno parentum converso ad veram fidem, alter in infidelitate permaneat, proles verò, nondum quidem rationis, & electionis liberæ usum habens, ex volun-

tate tamen parentis, ad veram fidem transeuntis, siue pater ille fuerit, siue mater, baptismum susceperit, quod fieri posse *ex cit. c. 2.* colligitur, utrùm scilicet penes matrem v. g. infidelem, vel penes patrem fidelem manere, & educari debeat: cui quæsito respondet Pontifex, ob fidei favorem, baptizatam talem prolem, etiam si triennio adhuc minor sit, relinquendam fidei patri, & apud hunc educandam; summa enim est ratio, quæ pro religione facit, præsertim cum periculum perversionis in tali casu non subsit.

## TITVLVS XXXIV.

## DE VOTO ET VOTI REDEMPTIONE.

## §. I.

*De voto in genere, & præcipua  
ejus divisione, in solempne, &  
simplex.*

**P**lura de hujus Tituli materia reperies apud Theologos morales, pauca proinde quædam, quæ ex jure Canonico potissimum dissolvenda sunt, hinc afferentur. Et quidem si quærat de natura

voti, rectè dixeris, *voluntatem promissionem esse, Deo factam, de meliore bono:* ita ut ad voti rationem non sufficiat proposuisse tantum, firmissimè etiam, quòd tale quid præstiturus sim, sed debeat intervenire promissio, siue animus deliberatus, & intentio, quæ velim Deo, ad præstandum tale quid esse obligatus, prout etiam colligitur *ex c. litterarum. 3. h. 1.*

Ffff 3

Ad



Ad divisiones vero voti quod atinet, potissima est, qua votum dividitur in solemne, & simplex: votum solemne est, quod ab Ecclesia, ut tale acceptatur, & voventem inhabilem reddit in perpetuum (spectata lege ordinaria, & seculari dispensatione Pontificia) ad matrimonium contrahendum, & ad dominia acquirenda, vel retinenda. Simplex vero omne aliud votum est, quod talem solemnitatem, & vim non habet. Habent autem illam solemnitatem in ordine ad dirimendum matrimonium subsequens, duo tantum vota, ex constitutione Ecclesie in *c. unico h. t. in c. explicata*, votum scilicet religiosae professionis, & votum castitatis susceptionis sacrorum ordinum annexum: ex quo capitulo etiam patet, voti solemnitatem, non ex natura rei votis his antezam esse, cum ex natura sua sine ejusdem roboris simplex, & solemne votum, sed ex constitutione Ecclesie esse introductum, ob majorem sacrorum ordinum, & religiosae professionis reverentiam.

## §. II.

*Virum, & quando votum obliget, & impleri debeat, & an etiam interveniente impedimento?*

Certum est, quod homini liberum sit vivere, vel non vivere, cum votum sit res consilij, factum tamen voto obligati voventem, ad implendum illud, constat ex *c. Licet 6. h. t.* & ex natura acceptatae promissionis obligantis: & quidem quod votum absolute factum nullo praefixo ad obligandum, aut implendum

tempore, statim obliget, & impleri debeat, quamprimum spectatis circumstantiis commode impleri potest, & summe communissima docet, & summe *cap. 23. Deuter. v. 21.* & colligitur etiam ex *c. nov. est 5. h. t. & ex regula 100. in ff.* differri tamen posse voti executionem ex justa causa, colligitur etiam *est*, & quidem si impedimentum temporale sit, per quod reddatur praesens solitum difficultis voti executioni, ad tempus differri hujus executio potest, donec commode, & quiete executioni mandari possit: si vero impedimentum, quod occurrit, perpetuum sit, tum votum commutandum, vel in eo dispensandum est, ut colligitur ex *c. quod per h. t. h. t.* vel si absoluta sit impossibilitas, & perpetua impossibilitas, id votum nonnunquam voti obligatione liberare potest: juxta has enim declarationes, neque nimis rigor in voti executione premitur, quem Deus non petit, neque nimia solertia, libertas, & deobligatio, ob quodlibet impedimentum permittitur, & tamen ad tempus nemo obligatur.

## §. III.

*An & qualiter haeres tenetur implere, & exequi vota defuncti, qui ipse non implevit?*

Vota merè personalia defuncti, per actiones voventium respectant, non tenetur implere haeres, & exequi (si speciali pacto cum defuncto introducto, hoc etiam se implendum obligasset, quod in casu non vi voti, sed vi pacto obligaretur) tenetur tamen implere vota



quæ rebus ipsis annexa sunt, & mixta, quæ partim personalia, partim realia sunt, si id, quod in voto tali reale est, separari possit à personali, ac independenter ab hoc promissum sit (cùm hæres adeundo hæreditatem, sicuti res cum onere accepit, ita ex justitia obligetur ad rem taliter oneratam ei dare, cui defunctus dari voluit) ita tamen, ut ultra vires hæreditatis non teneatur: & salva maneat legitima Filiis v. g. debita, uti & alia, quæ nullo voto, aut legato gravari possunt; & si monitus à iudice Ecclesiastico intra annum exequi vota talia intermittat, omni commodo hæreditario, quod à defuncto consequi posset, sit privandus, *juxta authent. hoc amplius C. de fide commiss. Et c. licet. 6. h. t.* cùm dignus non sit commodo hæreditario, qui onera hæreditari annexa subire non velit, cùm tamen possit.

## §. IV.

*An ille, qui vorit ingredi religionem, vel etiam profiteri, possit licite ante votum impletum, Episcopatum accipere?*

R. Respondetur negativè, juxta id, quod statuitur in *c. per tuas 10. h. t.* ubi Pontifex cuidam, qui post votum religionis Episcopatum accepit, suadet, ut, si conscientiam suam sanare velit, quam voti sui transgressor læserat, renuntiet Episcopatu, & reddat Altissimo vota sua (neque enim propriâ auctoritate votum, quod habet de religionis ingressu, mutare potest, in Episcopatum, velut altiozem, & perfectiorem statum, cùm status Episcopalis non sit melius medium ad pro-

priam perfectionem acquirendam, quàm status religiosus) nisi ob magnam Episcopi talis utilitatem voti obligatio videretur suspensa.

## §. V.

*Quis vota commutare, vel in ijs dispensare possit? Et qua vota, ac qualiter commutari possint?*

Commutare vota, & in illis dispensare potest de jure ordinario quilibet Prælati Ecclesiastici respectu suorum subditorum, si in eos jurisdictionem quasi Episcopalem habet, & justam causam talis commutationis, aut dispensationis faciendæ subesse judicat, neque vota illa sint specialiter Summæ Sedi reservata, ut patet ex *c. de peregrinationis 1. h. t.* de jure verò delegato, & ex privilegio, hæc commutandi, & dispensandi potestas aliis etiam competit: quin imò in evidenter melius commutare suum votum potest quilibet propriâ auctoritate, abque aliâ superioris, aut privilegiati, neque enim promissum (Deo factum) infringit, qui in melius illud commutat *c. 3. de jurejurandi.*

Possunt autem omnia vota (loquendo de votis, quæ Summæ Sedi specialiter reservata non sunt, neque facta sunt in specialem favorem tertij) commutari, non tantum in melius, ut dictum, sed in æquale etiam, saltem si superioris auctoritas accedat: quamvis enim aliqui putent probabiliter, in evidenter æquale propriâ etiam auctoritate commutari vota posse à vovente, cùm Deo videatur



tur inter evidenter æqualia unum altero non esse gratius, probabilius tamen sentiunt alij, superioris auctoritatem necessariam esse ad commutandum in evidenter æquale, cum magis videatur Deo placere sincera fidelitas in præstandis promissis, quam rei æqualis præcisè bonitas; per professionem tamen religiosam omnia alia vota, etiam reservata, etiam novitiatus tempore facta, etiam facta cum licentia superioris, sive sint personalia, sive realia, perpetua, vel temporalia &c. extinguuntur, ipso jure, tam Ecclesiastico, quam divino, prout sumitur ex *c. scriptura. 4. h. 2.* & excellentia professionis religiosæ perpetuo vinculo Deo obligantis probat.

§. VI.

*An & qua ratione commutari possit votum peregrinationis Hierosolymitana, & a quo relaxari?*

**L**oquitur hic Titulus de voto peregrinationis Hierosolymitana in subsidium Terræ Sanctæ ad liberandam eam à jugo infidelium, de quo votum hodie vix usus est, vix alij disponere possunt, quam Summus Pontifex. Videantur de hac materia *c. magna. 7. 2. quod super 8. s. ex multa 9. Et. Epistolæ 11. h. 5.*

## TITULUS XXXV.

## DE STATU MONACHORUM ET CANONICORUM REGULARIUM.

**M**ulta in hoc Titulo ex variis Capitulis, visitationibus, correctionibus regularium &c. de receptione, & clausura monialium &c. referuntur, & ab auctore Methodi, per septem paragraphos explicantur, quia tamen præcisè, & usus horum ad regulares præcisè

spectat, & multa per Tridentinum correctæ sunt, eorumque observatio magis ex regulis Regularium, & particulis statutis ac consuetudinibus dependet, quam ex jure communi, hinc notatur ulterior eorum facienda mentio. Viderint illi, quorum interest, quæ de jure sint pro illis statuta.

